

جریدہ علیہ

مشیت جلیلہ اسلامیکہ جریدہ رسمیه میر

صفر ۱۳۳۸

عذر ۵۰

آیدہ برنشر اولنور

سنجی سنہ

بونلرک هېسبه نظر آ بو، دنيان آخرته استدلال صناعته عظيمه سيدر. نه بيلمديکمز اصللردن، نه ده يابديغمز فرضياتدن دکل، بلکه طانيديغمز وقايعدن آخرتک دها بويوک ودها عالي وقايعه استدلال ايتمک، و بو واسطه ايله عملي صورتده تکليف اولنان، يوکسکجه نقاط نظره تعلق ايدن اعتقادي آلت طرفدن اعتباراً تحکيم ايتمک، تقويه ايتمک و حيات ايله ذي حيات مناسبته قويتمقدور. يا، اعتقاده محتاج اولمسه يديق او ني تقويه ايتمک نه يه؛ بونکله برابر اونک هيچ بر مستندي اولمسه يدي اوکا محتاج اولمق نصل اولور.

— مابعدی وار —

اعضادن

اشرف افندی زاده

شوکتی

حکمت تشريع

— لرها ما کسبت وعلیها ما کنسبت —

خير مکسوب، شر مکتبسيدر — جناب حق نفس انسانيه بي اراده و اختيار ايله متحرک اوله رق ياراتمشدر. نفس انسانيه کاليچون حرکت ايدر، نفسک بو حرکتدن خيرده، شرده نشأت ايدر؛ نفسک مجبول اولدني حرکت نفسک مقتضای ذاتندندر، نفس انسانيه آنجيق بو لوازم انسانيه ايله نفس انسانيه اولور، «بو نفوس نيچون على الدوام متحرک اوله رق يارادلمشدر» دينه مز. چونکه بو سوز عينيله «نفس نيچون نفس اولمشدر؟ آتش نيچون آتش اولمشدر؟ روزگار نيچون روزگار اولمشدر؟» ديمکدر؛ نفس بويله، آتش اويله، روزگار شويله يارادلامش اولسیدی نفس نفس اولماز، آتش آتش اولماز، روزگار روزگار اولماز ایدی. نفسک بويله يارادلمسی کمال وجودندندر.

کندوسندن خيرده، شرده صادر اولان انسان عجبا بالطبع خيرميدر؟ يوقسه بالطبع شريرميدر؟ فطري موجيله هانکيسنی ايشلر؟ خيرمی ايشلر يوقسه شرمی؟ فطرتيله هانکيسنه دها زياده ميل ايدر؟ ايشته بورالرده اهل علم ارمسند اختلاف وارددر. بوبابده

راجع اولان مذهب شودر : سرلوحه ایدندیکمز نظم جلیل موجنبجه خیرمکسوب، شر میکتسبدر. کسب ایله اکتساب آرمسندده واحدیدن نقلاً لغتاً برفرق یوقدر، دنیورایسه دم بعض محققین عندیده ایکیسی آرمسندده هر حالده برفرق وارددر. نظم جلیل بارز برصورتده فرقی کوستریور: ریخشرینک قبولی وجهله عمل ایله اعمال آرمسندده فصل برفرق واریسنه کسب ایله اکتساب آرمسندده اویله برفرق وارددر : عمل ایشله مک، اعمال تکلف ایله ایشله مک؛ کسب قازانمق، اکتساب تکلف ایله قازانمق دیمکدر .

بوفرقه کوره انسان خیری فطریله ایشلر، شری فطریله ایشله من، بلکه تکلف ایله ایشلر؛ خیره بالطبع میل ایدر، شره کوره نک ایلهمیل ایدر؛ نشأتک، تربیه نک، محیطک انسان اوزرندده پک چوق تأثیری وارددر. انسان حیات منازعه لری آرمسندده ابناء جنسک محضاً منافع اوزرینه مبتنی اولان مغالبه لری آرمسندده نشأت ایدر. بویله جه شره میل ایدر . خصوصاً فطرنی فاسد اولان اقوام آرمسندده نشأت ایدر سه شره میلی متزاید اولور؛ بونلردن نظر قطع اولور سه انسان خیره میل ایدر، اصل فطرتیه رجوع ایدنجه آنحق خیر ایشلر . شر نفسه طبیعتدن اولیان بر طاقم اسباب ایله عارض اولور . بناءً علیه خیر اصل عام و شر عرض مفارق، خیر ذاتی، شر اضافیدر .

انسان بالطبع یالان سویله من؛ چوق صدق اوزره نشأت ایدر . یالانی ناسدن ایشیدر، ناسدن او کره نیر؛ چوق کوریرکه بر شئی وصف ایدوب یالانده مبالغه ایدن کیمسه نک سوزی ناسه خوش کلیر؛ اوده ناس عندنده خوش کورونمک ایچون یالانه میل ایدر. کنذا انسان فطریله زنا ایتمز، آنحق وقاعه میل ایدر، بوده فطرتیه کی کالندن ناشیدر: زنا عوارضدن نشأت ایدر. فطرتی محافظه و حسن تدبیر ایدن ترهیات دینی، آداب اجتماعیه، احکام عقلیه ترک اولونمغله تکثر ایدن عوارضدن نشأت ایدر. شر نظر ناسده مبعوضدر، صاحبی ده منفوردر . بر کیمسه یه یالانچی ویا زانی دینسه او کیمسه بو سوزدن اصلاً خوشلانمز؛ نفسک دوچار حقارت اولدیغی فرق ایدر .

انسان هر هانکی بر شری اکتساب ایدنجه نفسنده بر قبیح آکلار، عادتا اعماق وجداننده بر هاتف کندوسنه «ایشله مه» دیه ندا ایتدیکنی طویار . هاتف وجدانی اویله بر مصباح ربانی درکه اصلاً منطقی اولماز، صاحبی نوبیخ ایدر، محاسبیه چکر . انحق نادراً بویله اولماز، پک آز اولورکه انسان شر ایله الفت ایدر . حق آنک ایچون بر طبع اولور سه ده شره

شروع انباشنده ویا شری ارتکاب ویا فراغدن سوکره نغسده بر قبح طویماز. ایشته بویه اولان انسانه شریر دیر .

انسان بالطبع عبادت خدایه میل ایدر چونکه منعمه شکر انسانک طبیعتده مرکوزدر . بونک اثری هر کسده ظاهر در . منعمه قارشی اولان شکرک اقل درجه سی منعمه قارشو بالطبع بشاشت ونشاط اظهار ایتکدر . انسان فعل خیرده تکلفه محتاج اولماز . بیلیرکه هر کس منعمه بشاشت ونشاط اظهار ایدور ، آنی عین رضا ایله کور یور .

انسانه الک زیاده ضرر ویرن شی انسانک باشقه سنک حاله باقسیدر . بوکا مبنی بز اخلاقاً مادونه باقق ایله مأمورز . مادونه باقان کیمسه کندیسنه ویریلن شیئه راضی اولور . منبع شر اولان حسددن اوزاق اولور .

لله در الحسد بدأ بصاحبه وقتله

فرد مادونه باقلی ؟ حسددن اوزان اولمی ؟ امت ، جماعت ایسه مافوقه باقلی ، آنی کچمک ایچون مسابقه ایتکیدر . انسان بالطبع شریردر دینلر انسانلرک چوغنده کوردکلری شری ملاحظه ایدیورلر . فقط غریزمنک نهدیمک اولدیغنی ، منشائی تحلیل ایتیمورلرده ناقص استدلالده بولیمورلر . بناءً علیه انسان بالطبع شریر دکلدر .

از میرنی

اسماعیل صفی



دارالحکمة الاسلامیه ده متشکل اخلاق قومیسونی اعضای متتخبه سندن
علی رضا بکک عشرت حقنده کی تقریر لریدر

ایچکی ندر وصحت ایچون لازم وفائده لیمیدر ؟

ایچکی ، ایچنده کی اسپرتونک تاثیریه موقت بر نشئه وزندکی ویرن مشروباته اطلاق اولور . بونلرک انواعی بله چوقدر . باشلیجه لری : شراب ، قونیاق ، راقی ، پیرا ، ویسکی ، آبست ، ووتقا ، سارتروز ، وولنرور واطح . بونلرک هپسی ده صاف حالده